

愚

齋

存

稿

愚齋存稿卷第七十目錄

電報四十七

寄甯端午帥贛吳仲帥

端午帥來電

陳筱帥來電

寄端午帥陳筱帥

農工部來電

寄北京陸尹憲潤庠唐尙書文治陸總憲寶忠顧侍郎
肇新吳閣學郁生陳副憲名侃鄒丞堂嘉來雷參議補
同黃學士思永惲學士毓鼎暨同鄉諸公

南昌沈方伯來電

寄南昌吳中丞沈方伯

寄武昌張宮保

端午帥來電

寄甯鄂湘贛各帥

端午帥來電

又

寄端午帥繼方伯

寄南昌秦子質廉訪炳直

寄長沙岑堯帥

端午帥來電

南昌吳仲帥來電

寄端午帥

又

寄江甯端午帥蘇州陳筱帥安慶恩新帥

寄端午帥蘇州陳筱帥

又

北京陸鳳石尙書諸公來電

南昌吳仲帥來電

蘇州陳筱帥來電

愚齋存藁

卷七十目錄

二 思補樓藏版

寄端午帥

陳筱帥來電

北京軍機處來電

寄端午帥

端午帥來電

寄甯端午帥蘇陳筱帥皖恩新帥

端午帥來電

又

寄端午帥

寄端午帥陳筱帥恩新帥

寄端午帥

又

寄農工商部楊丞堂士琦

農工商部唐蔚之尙書來電

端午帥來電

愚齋存彙卷第七十

電報四十七

寄甯端午帥贛吳仲帥

光緒三十二年十月二十三日
並致萍鄉張道林道

堯帥濠電已加派常備軍一營赴沔相機越剿云此次
事起於萍湘已派營越剿務望貴省速派營就近會剿
否則路礦不保非數百萬不能恢復

端午帥來電

十月二十三日

並致呂大臣

徐海災民紛紛外出由於地方官辦振不盡得法
而義振各紳又未趕到之故業經加籌款項飭發
被災各州縣勒令妥速辦振檄電交馳不遺餘力

揚州清江饑民分飭趙運司楊道文鼎督率設法
資遣回籍就振其有距籍較遠或不能回籍者妥
辦留養昨聞常州鎮江均有江北饑民入境亦經
飭令該道府速籌資遣留養來電所云饑民領照
回籍按口補振尤爲體恤周至又已分飭照辦矣
特電聞

陳筱帥來電

十月二十四日

並致呂大臣

卓論精當佩甚目前辦法不外在本籍認真放振
以治其本在要衝妥爲留養以治其標二者並行
方能有濟已電商午帥通籌辦理總期官振義振

互相輔助俾竟全功鎮江一處已面囑朱道會商
榮道妥爲辦理至洋商捐助一節想午帥必照尊
電切告李德立遵辦也

寄端午帥陳筱帥

十月二十四日

呂大臣會電

頃接義紳劉增來電昨到清江該處聚災民三十萬每
天大口發錢七十小口發錢三十乞設法接濟明日往
沈陽等語誠如午帥所言官振不甚得法義振尙未趕
到以致紛紛外出目前光景徐淮海有災州縣官義振
皆須並行不悖義振僅派出邵宿睦蕭安沈六州縣其
餘人錢俱乏一時尙難推廣官振諒以截漕爲大宗如

能每縣派一妥幹委員各帶員司十餘人勿惜薪費亦照義振按莊按戶清查開放每口至少冬振一千春振一千無濫無遺合之義振極貧亦發一千不致餓死本籍辦振周到出外者自必願回就振否則一味勒令回籍恐兩頭接不上倒斃必多清揚二處午帥已飭趙運司楊道妥辦留養鎮江筱帥已派朱道會同榮道辦粥廠須請電告三處各州縣查振未妥只可暫設粥廠留養李德立到甯可否請午帥面囑洋人振捐先放清江三十萬人最爲省事

農工部來電

十月二十五日

瀏醴交界地方匪徒聚劫路礦兩項關係至爲重要業准尊電飛電江鄂湘贛各督撫嚴密保護以防不測並星調精隊合剿俟辦理情形復到再電達

寄北京陸尹憲潤庠唐尙書文治陸總憲寶忠顧侍郎肇新吳閣學郁生陳副憲名侃鄒丞堂嘉來雷參議補同黃學士思永惲學士毓鼎暨同鄉諸公

十月二十五日在籍同鄉二十餘人會電

江南北告災書諒已邀鑒頃接淮揚道敬電飢民屬集清浦已三十餘萬糧草蓬廠均未籌備由於各災區延

不開辦冬振以致災黎四出流離失所風餐露宿慘不忍觀祇好按名發錢俟糧到再放暫救其命本年災廣且眾自來未有又午帥濠電徐淮海災民紛紛外出由於地方官辦振不盡得法義振各紳尙未趕到等語查官振向多疎宕敝處勸辦義振僅得銀十餘萬已派義紳分赴邳嶧睢安蕭沭六縣及揚鎮沙洲專救極貧杯水車薪何濟於事現在洋人聞信勸辦洋振猶慮徧租教民擬令併歸華振未知能否就範伏念各省有災江蘇無不倡助義振今江蘇災重轉相呼籲應者寥寥傷慘之至應請諸公將此實情徧告各大府眾擎易舉注

重義振如災區義振都能辦到官振相輔而行亦免弊
實散出數十萬眾自可聞振歸來所全甚大歷來大振
全仗截漕開捐兩法除截漕已由督撫會奏外如能奏
請實官捐轉限兩三個月愛惜名器不在遲早數月而
得此鉅款可活億萬生靈午帥恐礙新政未便入告可
否由京奏請展辦專濟江南北災振不勝迫切待命之
至

南昌沈方伯來電 十月二十六日

早晨謁院已商定電飭張令回城胡應龍回安源
茲聞湘軍二百名亦到安源可保萬安惟昨電湘

營由火車捉一匪供之礦丁赴醴幾致鼓噪乞公
電屬張林目前須以好語慰藉以安反側

寄南昌吳中丞沈方伯

十月二十六日

安源防勇只有百餘人而礦眾數千恐難鎮壓無論何
軍先到務請電飭留防安源礦眾若免內鬩可保無虞
寄武昌張宮保

十月二十七日

漢廠電鄂軍已乘輪進發感極堯帥電湘軍已改赴瀏
陽仲帥又將駐萍防營二百五十名調出一半會勦只
有百餘人駐礦而礦丁數千人聚集一隅全匪大頭目
龍定住江西人難保無勾串昨醴兵到廠拿一匪黨礦

丁幾致鼓噪此豈百人所能鎮壓現在保護礦廠只望
鄂軍早到務求飛飭先到一營駐紮安源後到者進剿
方可無虞宣已電張林道如有礦丁滋事者卽行嚴辦
不貸

端午帥來電 十月二十七日 並致呂大臣

李德立今日來晤方與接談謝其美意告以向來
放振官辦不如紳辦之切實故此次官振義振同
舉而官振皆令紳董會辦以防流弊今貴會籌集
各國捐款普拯災黎官紳同感但內地風氣未開
必須歸華董經放如慮分布或有未周敝處當派

地方官偕同洋員往各處監查但祇宜抽查數處
便可得其大凡君如謂然鄙人當請歷年辦振熟
手施子英許九香兩紳綜理其事君亦可延上海
商會中素信之華董二人與施許會同辦理李君
頗以爲然方又言災區甚廣而以清江爲總匯之
地現就振者已三十餘萬人若將清江一處借重
貴會專款發放錢有餘再添災重者數處似易於
措置李意似亦首肯至赴皖一節已權作罷特以
奉聞九香過甯已面告各情並祈轉懇子英見允

寄甯鄂湘贛各帥

十月二十八日

礦局有電瀏醴已有六兵進剿深恐匪窮竄萍燒毀礦廠是意中事日內謠言甚重德國日本均來問信因有借款之故安源本有駐防一營現已調赴前敵只剩數十人雖屢飭局員鎮靜但須有兵方保無事尙求各大帥迅籌維護全局之幸

端午帥來電 十月二十八日

沁電悉現由做處分電湘贛其詞曰查近日匪勢披猖萍鄉礦廠成本至鉅且經農工商部電屬切實保護尤非兼顧不可甯軍今日成行水陸兼進第相距遐遠須十餘日始克抵萍鄂軍又爲水涸

所阻未能速到不禁焦灼湘旣允撥一營赴萍務
請堯帥速派營隊徑赴萍鄉會同嚴密防範贛省
調赴前敵之兵如因正在接仗不能調回請由仲
帥另派得力營隊星夜赴萍駐防地方與贛產關
涉均極重要設有疏虞不獨國家鉅本均歸無
着洋債從何措還後患不堪設想我公思深慮遠
諒早見及務望迅賜酌籌其維大局幸甚再堯帥
感電閱悉已加電程提台請其速派舢板四五十
號駛赴長沙鎮懾其維大局幸甚特聞希轉飭林
道知照

又十月二十八日

頃又電奏承准二十六日電奉 旨江西湖南交界地方匪黨聲勢猖獗着端方張之洞岑春煊速派得力營隊飛飭會剿等因欽此查萍醴匪徒倡亂迭接該處路礦局及湘贛來電卽經電商吳撫岑撫厚集兵力會同剿辦電商張之洞由鄂派兵援力兼顧路礦一面已飭江南三十四標全隊整裝以待並電告吳撫務多派得力之營圖拿滅免釀燎原贛省兵力不敷立行拔隊往援欽奉前因卽飭將業經戒備之第九鎮第三十四標步隊三

營砲工各一隊馬隊車重各一排退成一枝隊卽
於今夜開拔分三起上駛在九江換船進湖口至
南昌遵陸前進三十四標操練較久標統艾忠琦
人亦穩練第九鎮統制官徐紹楨曾在江西統兵
於萍鄉袁州一帶情形較熟派令督率前往相機
堵剿兼可與贛軍協商合力妥爲布置鄂軍由岳
州至湘潭取道萍醴鐵路甯軍由南昌袁州以達
萍鄉兩路夾進庶期尅日蕝事仍當與張督吳岑
二撫斟酌機宜妥籌辦理仰副 朝廷愼固南陲
至意謹請代奏等語

寄端午帥繼方伯

十月二十八日

州縣不以民命爲重公到任後小懲大戒欽佩良深飭
兩道派員催辦冬振諒有開辦日期但無數災民一縣
似須有一專員頒發查放章程各屬方知遵守救災如
救火早一日開辦小民早一日得生至以工代振固屬
良法但能辦工者皆非老弱若移振辦工似須先救垂
斃近接各省復電玉帥任內俱經協助官振爲數甚鉅
故義振所勸甚微曷勝焦急今又勉湊第四批湘平銀
三萬八千兩解交滬道請飭幣局卽兌銅元六萬四千
六百千連第三批共需錢十三萬二千六百千求速備

思列不彙 卷十一
齊卽當派員具領分解災區遲恐河凍難運不勝盼禱
義振四批共湘平銀二十萬其中墊款過半將來籌還
恐不易耳

寄南昌秦子質廉訪炳直 十月二十九日

公奉命辦匪大局之幸小醜不難撲滅政府倚重鴻才
閒道取速深堪欽佩已飭局員一切稟命而行

寄長沙岑堯帥 十月二十九日

連接萍電廠礦空虛深慮失事各國有借款者均來問
訊萬一不測必有交涉弟因湘境有匪不敢瀆求尊處
正在電復外務部催調贛軍聞頃據林道沁電已蒙電

吳統帶迅飭該隊馳赴萍鄉防護礦廠日內計可抵安
源仰見關懷大局萬分感佩已電外務部釋念矣

端午帥來電 十月二十九日

現由敝處分電湘贛兩省其詞曰萍鄉礦廠德國
日本因有借款均來問信倘我防守不嚴彼將以
保護爲名派兵前來更多棘手應請堯帥仲帥加
派營隊赴萍駐防以免疏失議者謂前敵喫緊調
營防守礦廠未免置之閒地不知萍礦甚關緊要
萬一匪黨探得該處空虛乘隙焚掠我豈能不回
救兵貴致人而不致於人想盡籌亦早已計及矣

特聞

南昌吳帥來電

十月三十日

並致江督湘撫

甯勘電悉安源情形已詳豔電贛省調兵遲難迭
經電達並詳本日電奏防軍前營本係駐防萍鄉
今夏始准杏翁咨商移紮安源此次匪起倉卒熹
相去較遠未克先知臨時征調諸難應手遲滯之
咎限於地勢使然而並顧兼籌實未敢稍遺餘力
前以兵少卽力主迎剿之議以免蔓延裹脅匪勢
愈張轉使若輩生心斷無坐以待匪專顧堂奧而
自撤藩籬之理兵旣不敷防守則利於速戰彼時

赴前敵兵僅二百餘人自二十五擊敗栗市匪股沿邊搜剿遂無大股並堅請林道鎮靜照常工作人心斷不至渙散若稍涉張皇何堪設想迨二十八承堯帥撥礮隊百五十名到萍保礮張令與林道等商籌以城礮尙安電懇堯帥飭令礮隊會同防軍往醴進攻亦足見保礮誠不如攻匪也頃據林道豔電礮隊九十名已到安源想係接奉堯帥復電仍飭令赴安保礮若分撥得開能多兵防守更臻穩慎是以憲前此一再電懇堯帥請就近撥兵分防卽是此意蓋自揣省兵未能迅速亦深恐

有誤也。杏公肩茲重任，自無怪其焦憂。熹職司守土，安源有失，亦豈能辭咎？特局外不知當事之難，責言滋起，惟乞諒之。

寄端午帥

十一月初一日

呂大臣會電

承示邛崃官振各發銀四萬，連義振二萬，確不爲少。如辦得好，足可救人。公已飭袁道加委令與各義紳會辦，弟亦飭各義紳商妥合辦。頃據海州義紳宋治其來電，官振現由鄉董地保造冊送州，係勻攤辦法。義振係經司事挨戶親查，極貧給票，章程不同，不能合辦。治基卽日帶司事親歷各災區查看開辦，俟官振放後，義振

以補不足爲日正長籌款匪易不敢草率候電示遵等語想徐淮各屬亦必如此向來官振不過憑董保造冊呈送印委分極次貧勻攤每日極多數百錢散放極遲尅扣難免且百姓皆稱喫皇糧可不喫者亦都要喫董保徇情而不中飽者已算極好宣官直東總司振務親督查戶洞察其弊曾嚴懲印委稟院以官作義係將官振併歸義振責成義紳隨查隨放奏銷則列名官振若干義振若干李文忠張勤果不派委員卽派員亦止會同義紳而已非必委員無好人實因辦法不同且委員所帶之人斷不能耐苦終日奔馳故以候補官充義紳

亦能相觀而善現已事急極須定議乞公酌奪如欲官義合辦只可由公嚴飭悉照義振章程並加札各義紳准由義紳做主委員監放如仍照海州造冊勻攤不親查戶口只可義振另辦雖錢少尙可救一是一勢難兩歧卽盼電示以便飭遵

又十一月初一日 呂大臣會電

楊道三十電稱各州縣戶口未據查齊尙未核定放振數目文鼎之意總以官義兩振併作一起爲妥如能較浦廠稍優饑民方肯聞振歸家等語似此仍是官振老法必待查齊後放餓死已多等候不及只得流亡且核

定勻攤弊病百出義振係先定錢數極貧每日一千隨
查隨放方能救活人命方能遏止流亡如尊諭邵宿睢
允發官振銀四萬義振銀二萬卽放一千勿慮不給且
填票口數多少仍在查戶者操縱如蒙督照乞速電司
道飛飭印委遵辦如再停頓不放須照大疏懲參聞浦
廠日斃數百人甚慘楊道極認真但從來留養無好辦
法且數十萬人聚處一隅糧食柴草異常艱貴雖多費
公款民鮮實惠釜底抽薪只有各州縣隨查隨放恃愛
直陳

寄江甯端午帥蘇州陳筱帥安慶恩新帥

十一月初三日
呂大臣

會電

讀大疏綜計振款至少需二百餘萬午帥電現所撥墊
均係挖肉補瘡又前接皖司道電皖振更難籌款適施
子英面稱廣西實官捐收逾額數計百餘萬部已駁然
難退似可請奏撥歸江南官振海等前擬請展捐數月
但聞停捐之議發自午帥故難奏展請會商先由海等
奏懇展捐一百五十萬兩明知難邀 俞允一俟駁後
即可請撥桂款逾額捐款百萬據施道云外辦百萬只
收實銀七十萬得此足爲三省協助展捐海等爲民請
命甘願受碰若撥桂款未知午帥肯允領銜否如三省

懇切合奏或能邀准茲將本日電奏呈覽

另詳電奏卷中

寄端午帥蘇州陳筱帥

十一月初三日

呂大臣會電

李德立回滬又邀施曾沈道等會議李等尙欲教士會同查放聞有數領事已電駐京各使則政府必知有此舉似應電奏爲是午帥應否將李德立謁商及面答另奏海等旣與聞不得不援奉天辦紅十字會成案據實附奏茲將本日電奏呈覽

另詳電奏卷中

又十一月初三日

呂大臣會電

振需銅元至少二百萬義振蒙從寬而受虧耗實抱不安似非聲請添鑄不計餘利難以蔽事公似難言江蘇

京官亦恐不肯多事海等據實附請茲將本日電奏呈

覽
另詳電奏卷中

北京陸鳳石尙書諸公來電

十一月初三日 並致呂大臣

函電悉當切籌墊五千元由信成銀行匯奉並分
電各省多方籌勸截漕等事已公函懇度支部早
日議復以期災民早沾實惠仍仗廣籌普濟同深
感禱

南昌吳仲帥來電

十一月初三日 並致端午帥岑堯帥

本日電奏萍匪情形文曰竊萍匪情形前已兩次
電請代奏在案現據防軍統領袁垣二十八日電

稟上栗市之匪自二十五日擊敗後連日進剿該散匪均將白巾拉去充作民人藏匿山谷並有竄赴瀏陽界者惟聞桐木尚有黨匪數百往來其間定於二十九日馳往桐木市及宜春縣之慈化一帶迎剿已與湘軍管帶二十七晚在上栗市會商各在邊界搜捕餘匪務絕根株萍地鄉村鎮市均已照常貿易據萍鄉縣張之銳二十八九兩日電稟訊據獲匪鄧延保劉治昌供稱大頭領龔春台係瀏陽人非湘潭人瀏醴萍宜萬各縣均有會黨本約十二月起事因瀏邑捕殺大頭領李金其迫

不及待遂先期竊發以白巾裹頭爲號現各匪均
會集瀏陽南境牛山嶺紅綾鋪等處粟市匪大股
二十二夜半已退往瀏陽只留小股五六百人駐
守等供此卽二十五防營管所擊敗之匪股並查
悉逃匪所過地方只索軍械令供糧食白布所搶
刦焚殺者皆向辦警察保甲紳士人家爲多到處
出有僞示安民收買人心現在袁坦已會醴瀏湘
軍進攻瀏之文家市萍之桐木市並據袁州府趙
于密二十七日電稟由吉調來右營管帶許登雲
率帶所部兩哨及後營兩哨在宜春縣所屬之金

瑞慈化一帶進剿斃匪多名勇亦陣亡數人省撥
常備軍是晚抵袁各等語重憲卽電飭袁坦速會
湘軍認真沿邊搜剿電飭張之銳卽將獲匪鄧延
保劉治昌卽行正法電飭常備軍第三營管帶劉
清泰由袁州分路一由金瑞慈化出剿以達桐木
市一由宣風蘆溪赴萍出案山關以達上栗市再
會合各軍分投嚴搜又電萍鄉縣專函閒道赴萬
載縣傳諭常備軍等二營管帶董作泉卽由萬載
出株潭迎剿以達慈化及桐木市三面剿擊俾免
竄越並將所訊匪供及剿辦情形隨時電知岑春

冀接該撫勘電在牛石嶺南街市斃匪甚多爲統領陳紹莊傷重抬回龔春台擊敗逃竄萍醴大股多趨瀏境該撫派往安源保護路礦礮隊據礮局道員林志熙電稟已到九十名伏查萍鄉前敵防軍除前營留一半守安源外計前營兩哨半中營四哨後營一哨約四百餘人宜春前敵右營兩哨後營兩哨約二百餘人先後撥常備軍兩營一千餘人連臬司秦炳直道員張季煜各帶水師步隊百餘人陸續到集當可敷用現經江督端方派撥一枝隊約二千餘人乘商輪至九江河運入省再

分途遵陸前進與湘鄂所派各軍竭力會剿當不
難盪平惟由南昌至萍鄉幾六百里山路崎嶇必
須分隊次第前行否則宿營無處安紮軍裝一切
鄉夫亦不易招是以師行未能迅速且電報由省
至臨江府之樟樹鎮而止通萍之電係由湘省接
轉軍報須間日乃達其由萍至袁州無電須專人
齎送諸多遲滯致調度難以應手幸在萍邊境匪
無大股防軍僅數百人勉力支持未任蔓延實非
初料所及俟各軍到齊當飭入山搜捕務使邊境
肅清以靖地方重憲復慮匪勢窮蹙乘虛下竄昨

已電調九江常備軍二標第二營來省擬飭赴與
醴接壤之萬載安福永新等縣及蓮花廳沿邊一
帶分要梭巡防剿以顧後路又恐江防單薄已電
端方派兵艦一艘駐泊本日並接秦炳直張季煜
途次函報所經地方均極平靜並無知有匪事者
堪以仰慰宸廑等語特以奉聞

蘇州陳筱帥來電

十一月初四日

並致呂大臣

官義合併卓見甚是所籌資遣各節極爲周密鑄
銅元須先購銅劬如甯難趕辦可乞援浙鄂想午
帥已通籌逕復截漕事已定議准留漕折三十萬

兩振捐七項捐均准辦一年於今日具奏如伏兩
公大力實官捐能展限數月則全活必多矣

寄端午帥

十一月初四日

呂大臣會電

承電示前發之款斷不敷用事關急救儘力做去不計
利害仁心毅力方之富鄭公殆有過之公真吾民之福
星也海等誼當分憂頃與曾道熟商向戶部銀行息借
銀十萬俟簽押後卽交滬道查收前後共籌銀三十萬
兩請速飭預備銅元趕緊運往免斷接濟弟等所請度
支部額外附鑄論理似可邀允如駁須請公再奏方伯
電稱乏銅據四川辦銅委員胡廷溥面稱唐晉記現存

滬銅四千擔每擔索價四十四兩居奇已甚如要請派員議辦遲恐他人先得

陳筱帥來電

十一月初四日

並致呂大臣

連讀冬三電籌畫精詳欽佩無似 朝廷軫念民依當可俯如所請官振款有限制又無許多賢員全仗義振補其不逮得台端多方籌措災民受惠無窮昨由鄙人倡捐廉銀二千兩以一振江南一振江北一面通行各現任酌量捐廉其各署局有差人員按一成扣薪助振惟湊集需時容設法先墊解一萬兩匯交尊處收用頃又接江電已將丹

徒陽湖無錫三處總董加委容將各札寄上

北京軍機處來電

十一月初一日
端制台陳撫台

並致呂大臣

本日奉

旨呂海寰盛宣懷電奏悉據陳江北飢

民情形覽奏甚爲憫念昨據度支部議復該省截
留漕米一摺已准動撥漕折三十萬兩仍着該部
再行妥籌接濟以恤災黎至實官捐業已停止所
請寬限數月之處著毋庸議欽此特聞

寄端午帥

十一月初五日

呂大臣會電

奉冬電飭將官振款項全交義紳一切照義紳辦理地
方官監視照料袁楊二道均有電來已分飭遵行後再

四焦思浦厥斷難久支歸振尤屬棘手不有會訂章法
尙慮員董誤會無所率從弟等仰荷誣諉若稍存客氣
恐負所託滋罪益深謹擬會訂官義兩振合辦章程呈
請核定 一徐淮海三屬銅山邳州宿遷睢甯蕭縣海
州沭陽贛榆山陽安東桃源十一州縣派總董十一人
專司查戶發票派委員十一人專司收票發錢 一此
次地廣人多只能專放極貧每大口給錢一千小口減
半次貧不給向來義振親查之際遇有口少而困苦非
一千能活者准酌加口數略爲通融總之票只填口數
不填錢數 一春麥未種爲日方長擬查放三次每次

災黎願力閔大感佩無極加鑄事已電度支部並
請派司員來甯監造當可照准四川存滬銅斤請
速向該委員代定其價總在四十兩以內方於振
款有裨昨蔡道乃煌言宜昌有四川大批存銅已
一併電致清帥商購以資接濟尊處能電懇清帥
屬其准照四十兩內定價以活災黎尤爲有力望
速發

寄甯端午帥蘇陳筱帥皖恩新帥

十一月初六日 呂大臣會電

昨奉電

旨已准動撥漕折三十萬兩仍著該部再行

妥籌接濟以恤災黎等因所擬請發桂省逾額捐款百

萬正在此時本應請尊處會奏惟冬電尙未接復諒因已請截漕礙難續奏疆吏苦衷所當共諒茲由海等再行電奏云云事已急迫人微言輕在所不計俟有消息再當奉聞

端午帥來電

十一月初六日

並致呂大臣

江北辦振情形現會陳筱帥廕提台電請軍機處代奏其文曰本年蘇省水災綜計一州八縣而以徐海淮安三屬爲最重前經據實具奏並請截漕十五萬石展辦振捐一年開辦七項常捐以資振濟在案九月以前各州縣視爲例災未卽上緊辦

振並有村董侵吞急振銀兩之弊經飭司道從嚴
根究一面委員前往會辦復不次嚴催無如戶口
眾多一時未能查竣各處飢民紛紛外出麇集清
江揚州亦有散往江甯鎮江等處方到任時因署
淮揚海道丁葆元未能得力卽行撤換委楊文鼎
前往接署清查戶口妥籌振撫并辦清江留養兩
淮鹽運司趙濱彥辦理揚州留養江甯藩司繼昌
署鹽道朱恩紱督同府縣辦理江甯省城留養另
委候補道朱宜振會同署常鎮通海道榮恆辦理
鎮江留養撥給款項飭以廣搭棚廠安集災黎其

玩視民瘼之州縣先行摘頂記過示懲侵蝕振款之村董飭由楊文鼎並署徐州道袁世廉提案訊明盡法懲辦惟時已嚴冬若待戶口查清再將振款勻攤散給未免耽延適值呂盛大臣墊募銀二十萬兩選派委紳來散義振係令隨查隨放甚爲簡捷兼可杜絕一切弊端且查派來各紳振務熟手人亦切實耐勞所有官發冬振隨卽飭委該紳等查照散放仍由地方官委員監視照料並派委歷辦振撫之直隸補用道施則敬安徽候補連許鼎霖總理其事期臻周妥更恐米糧價貴官運不

敷已令多招商販承運查義振章程一切核實照部議年內概免稅釐藉資接濟至現在各處留養饑民揚州約有四萬江甯三萬鎮江二萬惟清江浦相距災區較近開辦最早人數最多已經四十餘萬中有皖北饑民聞振遠來數亦不少現每日大口給錢三十小口給錢二十以一日計之已非一萬數千串不辦築圍搭棚等費尙不在內揚州鎮江江甯等處或放米糧或開粥廠或放棉衣其尤足慮者人多聚集良莠難分聞有海州餘匪混雜其間未易分辨業經查明酌派營隊分紮四隅

嚴密巡查以資鎮懾然扼要辦法總在廣籌振濟
先定人心庶使匪徒無由勾結此外應修之隄應
築之壩應疏之河均飭擇要勘估招集饑民前往
修築疏濬以工代振人數旣多彈壓較易核計款
項至少亦須二百餘萬前蒙 恩賜之銀久已散
罄各省協助滬紳二十萬直隸四萬爲大宗其餘
頗爲有限雖經奏請截漕十五萬並開辦七項常
捐出入相衡不敷甚鉅近來所發各處籌辦留養
散放冬振之款多係設法挪墊藉濟要需昨有滬
上洋商李德立等在滬開設義振公會並擬山傾

事電其政府勸募振捐此皆由於 朝廷於外洋
各國有災無不發帑周恤一視同仁洋商慕義情
殷故有是請似亦難於峻却惟慮該洋商自行派
人來散臨時或滋事端日前李德立來見已切屬
其如願募捐助振使交華紳經放等語李德立意
頗首肯惟外洋尙慕恤鄰之誼而我之振施尙或
未能普遍殊與 國體人心大有關礙無如災深
款絀仰屋徒嗟目覩瘡痍萬分焦灼現在惟有督
率司道殫竭心力黽勉經營一面查照前次奏案
嚴明賞罰使辦事人員有所懲勸災黎漸資安集

不致四散流亡並已電知恩撫將皖北災民妥爲
截留安撫勿任外出以仰副 朝廷軫念災區之
意除將玩延欺飾之州縣查明擇尤另疏奏參暨
侵吞之村董審明得實卽予明正典刑外所有近
來辦理江北災振大概情形謹請代奏敬以奉達
又十一月初六日 並致呂大臣

銅元一事前因振款過鉅現鑄不敷電致度支部
暫寬鑄數並請酌派司員來甯監鑄昨接度支部
冬電已有允意惟云鑄數過多勢必銅元價跌糧
米價增反與貧民不便且以銅元一百七十枚易

銀一兩與奏定一百四十枚之數相去太遠不但無利且恐折賠等語卽經逐層切實電復當可照准惟銅價漲至每擔四十四兩若以振款每銀一兩兌換一百七十枚合算卽不虧賠亦絕無餘利在本省以之施振紬於此而贏於彼原無不可他省撥兌恐難一律昨因銅元缺乏電商張香帥請購鄂局銅元五十萬串仍係照每兩一百五十餘枚之市價現卽乞援浙省人將疑爲他用未必允從好在官義兩振現係合辦均由義紳散放兩公仗義辦捐助振仁聲義問遐邇咸欽如蒙將現在

災重款鉅銅元缺乏情形電商鄂浙請照每兩一百七十枚之價分批兌換卽由義紳持銀前往購換銅元徑赴災區散放或可使其信從是否仍祈裁酌川銅事昨已電商錫清帥當卽復電云係鐵路所訂已飭蔡道與費道酌商俟接復電再行派員來滬議購

寄端午帥

十一月初七日

呂大臣會電

承示七項常捐已准開辦請速咨發實收一千張敝處係先捐後獎不礙官事況已歸併義振多一錢卽官振省一錢尊處定何折扣如實收填一千兩應收實銀若

干部飯是否在外乞示知

寄端午帥陳筱帥恩新帥

十一月初七日

初六電奏發後奉午帥魚電將來請撥桂捐自當同銜
會奏萬不使弟等獨任其難曷勝感佩查桂捐部令駁
退江振既奉 旨飭部另籌尊處截漕奏內聲明藩司

挪湊息借商款以後不知如何歸款數語尊處可將災
重需款太繁請撥桂省額外捐款卽以省將來公帑速
加電奏因此次撥來係歸官振與義振無干弟等雖接
續前文而言究嫌越俎午帥既允會奏應請會同筱帥
新帥速卽電奏方有力量卽使撥一半亦好日來季直

久香正會議復淮濟河以工代振非厚集鉅款其何能濟

寄端午帥

十一月初七日

呂大臣會電

海州義紳宋治基麻電稱日前與道委官紳會議定分辦官振先放義振輔不足前日電稟督藩道定案基卽親赴東南鄉查勘接憲江電理合詳稟海州五十四鎮被災三十二鎮官冊復查已成八九官振不能不普款少人多不能不攤派以廣皇仁義振民捐民辦苛查有詞地方官曉諭亦有宗旨且一州之地周圍數百里災區有輕重村莊有貧富不能一律義振查放全在此

中權衡給錢多寡每日若干既不能不定且不能預定
誠如憲電每日給錢一千各屬一律就州冊而論約計
三十餘萬口冬春兩振需款六十萬未識有此鉅款否
現在民間已喧傳上憲發鉅款來省及詢之州署已到
之款只一萬四千金現在情形官振義振不能下手誠
如憲電官振冊責成義紳復查苛剔戶口官款全交義
振查放則實在饑民無力爭鬭而地方土豪土棍劣董
劣保煽動強梁之輩必與義振爲難鬭振等情基性命
不足惜有累地方官守土之責且匪亂未靖更宜慎之
又慎至官振全交義振必招物議紛騰致成怨府併辦

之諭因各處情形不同萬不能遵基旅居已久深悉此
邦風土人情懇請海州仍照前議官振由官先放流亡
歸來由官驗票給錢繳票報銷義振隨後輔不足使饑
民尙有後望有一分力救一分人則款不虛糜民沾實
惠乞轉電午帥地方幸甚等語似此州冊造成三十餘
萬口竟同兒戲若令義紳嚴剔是官市恩而紳府怨無
怪宋紳只肯分辦恐他處亦是自亂其例萬難措手
如帥意必欲合辦惟有請卽嚴飭卽委會同義紳一氣
覆查嚴剔限以八萬口爲度隨查隨放如有豪棍董保
鬬振卽行重辦否則只得照宋紳所請免致兩誤乞速

示

又十一月初七日 呂大臣會電

會擬章程已交許道細核擬請加一條曰一已奏明倘有侵吞振款入已情事查明贓證確鑿卽請 旨明正典刑以昭炯戒其有辦理不善各員隨時分別撤換嚴參如有辦振得力之員亦當懇 恩從優獎勵云因義紳亦有欲望獎勵者可否乞示

寄農工商部楊丞堂士琦

電

十一月初七日

呂大臣會

承示同濟礦款移作蘇振查此項十萬兩本屬秦晉義振餘款前接晉撫來咨已撥二萬亦可由晉歸還今蒙

大部奏請無論十萬八萬使蘇振得此鉅款欽佩同深
奉 旨後仍乞電示

農工商部唐蔚之尙書來電

十一月初八日

接致楊杏公虞電知魚電尙未到茲特復陳魚電
文云蘇振急迫前存探礦銀八萬兩本係振款似
可暫借俟七項捐收有成數卽行撥還請台端刻
卽來公電請借做處卽可於初八入奏謹密商等
語此事必須由尊處電商做處入奏卻未便由本
部發端現正班已過擬於十一加班入奏乞台端
急速來電切盼

端午帥來電

十一月初八日

並致呂大臣

此次徐淮海振務備承苦心籌畫感佩交縈所訂
官義合辦振務章程十七條均極周妥詳明已電
袁楊二道及趙運司查照切實辦理並分行各義
紳各印委遵辦至第十五條商民購運米糧請領
院照固是正辦惟前因災區冬振均放錢文必須
米糧價平災民方沾實惠已由敝處電飭凡運往
徐海淮安等處米糧無論官運商運有照無照一
概免完稅釐並已撰發四言告示招商廣運一面
發給趙運司空白護照二百張袁楊二道各百五

十張預備官運之用如商民願請護照赴外省採辦米糧並准隨時填給具報似較簡便應請仍照敝處前電辦理又第二條災民在籍者專放極貧大口給錢一千小口減半最爲劃一而第八條災民回籍補振極貧一千次貧五百其中如有小口應否量爲區別至下次歸入查戶一律辦理應否全照極貧散給抑仍分別極次似應預爲籌及再銅元一事大部雖已有允寬鑄之意惟銅價極貴購辦礙難多鑄殊無把握而官義隨查隨放必非銅元應手不可昨麻電奉商一節公意如何統祈

酌裁示復

愚齋存稿卷第七十